

DOW a dicidi di 'keur af' edificio di Biblioteca Nacional di Aruba



ORANJESTAD – E edificio di Biblioteca Nacional di Aruba a wordo ‘afgekeurd’ ayera. Despues cu e team di DOW a bishita e edificio y haci su inspeccion necesario, nan a bin na e conclusion cu e edificio no ta apto pa funciona manera cu e ta aworaki. Y mesora nan a participa esaki na tanto Minister encarga cu Enseñansa Arthur Dowers cu tabata di bishita e momento ey. Tambe a participa esaki obviamente na e directora Astrid Britten y a muestra cu nan lo a bay bek pa recomenda cu e edificio wordo ‘afgekeurd’. Pa mas informacion lesa pagina 2.

Despues cu a bishita e edificio y inspecciona esaki rigurosamente

DOW a dicidi di 'keur af' e edificio di Biblioteca Nacional di Aruba ayera debi na su estado deplorabel

Lo tin cu muda personal y bukinan pa un edificio temporal awor



ORANJESTAD – E edificio di Biblioteca Nacional di Aruba a wordo 'afgekeurd' ayera. Despues cu e team di DOW a bishita e edificio y haci su inspeccion necesario, nan a bin na e conclusion cu e edificio no ta apto pa funciona manera cu e ta aworaki. Y mesora nan a participa esaki na tanto Minister encarga cu Enseñansa Arthur Dowers cu tabata di bishita e momento ey. Tambe a participa esaki obviamente na e directora Astrid Britten y a muestra cu nan lo a bay bek pa recomenda cu e edificio wordo 'afgekeurd'.

Mesora a cuminsa brainstorm na e sitio mes pa un otro localidad unda cu lo tin cu ubica e total di 80 trahadonan cu ta labora den e edificio. No por a haya otro riba un localidad cu tabata disponibel mesora y apto pa por a muda. A haci mencion di varios edificio pero a bai for di otro sin cu por a haya algo fiho. A spera cu pa dialuna awor tin un edificio apto pa temporalmente ubica e personal di biblioteek pa e trabounan di reparacion por

cuminsa.

A sigura cu e biaha aki no ta recomenda mes pa 'patch up' e lugar manera cu a haci den pasado. "E no ta bay den nos vocabulario" un persona di DOW a bisa e momento ey, indicando cu no tin lugar pa esey awor. Durante e session di brainstorming, a haci mencion di edificacion manera ex DOW, Interbank den caya grandi y otro. E mester tabata un lugar unda cu tur e personal por a sigui traha, y por tabatin e espacio pa ubica e bukinan.

Loke tabata mas preocupante ta pa tur hende keda hunto y e bukinan tambe. Esaki pasobra logisticamente ta bira dificil pa separa e departamentonan y ora cu Minister Dowers a sugeri pa parti esaki entre algun scol, esey no a keda acepta pa e directora indicando cu nan mester keda hunto. Esaki tambe debi cu e sistema di computer ta uno central unda cu tur cos ta wordo registra. E no ta duna pa un separacion manera cu a sugeri pa scolnan, ni si ta temporal.

Ta conoci cu Biblioteca



Nacional ta duna serviciciona multifuncional, pero tin cu compronde awor si cu ora cu tin un mudansa asina, no tur servicio lo por ta disponibel manera cu ta e caso awor. E necesidadnan primordial ta pa tin un edificio suficientemente espacioso pa e personal y bukinan y cu e tin airco. Esey ta mas importante pa e trahadonan aworaki. Mesora a puntra e trahadonan cu ainda tabata den accion cu si nan lo a bay para e accion aki. Algo cu e trahadonan a cumbini cu lo ta e caso mirando cu de facto nan a

logra nan meta, esta di hala suficiente atencion pa asina trabounan cuminsa. Por a nota cu enberdad ayera Minister mes a bin Biblioteca pa bishita e edificio y cu propio wowo mira e situacion penoso den cual e trahadonan ta traha. "E lugar ta penoso" Dowers mes a admiti, confirmando cu e loke cu e trahadonan tabata bisa, no tabata exagera.

E personal di DOW tabata basta critico riba e situacion di e lugar y a muestra e mandatario tur e problemanan cu nan a bin encontra y cu e ta

peliger sigur unda cu varios cos ta malo y cu dificilmente por laga e trahadonan sigui traha den un ambiente asina.

A cumbini cu e trahadonan cu nan lo a para nan accion mirando cu nan a logra nan meta, unda cu nan a reanuda nan trabou, pendiente e cambionan cu lo mester bin awor. Ki dia e mudansa ta tuma lugar y unda esaki lo ta, no ta conoci. Pero e directora ta spera cu durante un reunion dialuna awor, nan por bisa e mandatario encarga unda y con esaki lo sosode.